

Fra: Even Vaular <Even.Vaular@vlfk.no>
Sendt: 29. desember 2020 09:11
Til: Irene Nærbø Wilhelmsen; Odd Henning Svoren; nilstr@kvam.kommune.no; Sveinung Toft; dag.petter.leite@stad.kommune.no; Sissel.vedvik; Bjarne Løne
Emne: Rapportering på tilskot til fysiske ts-tiltak (etter vedtak 14. oktober 2020)
Vedlegg: Vedtak. Tilskot til fysiske ts-tiltak 2020, 2. tildeling. SAMO 141020.pdf; Saksutgreiing. Tilskot til fysiske ts-tiltak 2020, 2. tildeling. SAMO 141020.pdf

Hei!

De fekk tilsegn om tilskot til fysiske trafikktryggingstiltak i haust, etter at tilskotsordninga vart lyst ut på nytt då me ikkje fekk delt ut alle midlane i vår. Vedtak om tildeling vart gjort i hovudutval for samferdsel og mobilitet 14. oktober. Om de har ferdigstilte tiltak, kan de senda rapport og få utbetalt tilskota dykkar. Om de ikkje vert ferdige i år, så har me høve til å overføra midlane til neste år, slik at de kan ferdigstillast og få utbetalt tilskotet i 2021. De må i så fall gi meg ei statusoppdatering. Send rapport/statusoppdatering innan **måndag 11. januar**. Statusoppdatering kan de senda til meg på e-post. Rapport på ferdigstilt tiltak gjer de ved å fylla ut rapporteringsskjema de finn på nettsida for tilskotsordninga: <https://www.vestlandfylke.no/fylkesveg/trafikktryggleik/fysisk-trafikktrygging/>

Dei av dykk som allereie har meldt til meg at de har behov om utsett frist for ferdigstilling, treng ikkje gjera dette på nytt.

Tiltaka som fekk tilsegn om tilskot ser de i utklippet under.

Vedtak

1. Tilskot frå ordninga for fysiske trafikktryggingstiltak i 2020, andre tildeling, vert fordelt til følgjande tiltak:

Kommune	Omtale av tiltaket	Tildeling (kr)
Alver	Rekkverk på kv.2137 Furesjeggvegen	250 000
Kinn	Bygging av snuplass ved Holvik barnehage	250 000
Kvam	Ulike mindre tiltak v/ Øystese ungdomsskule, Norheimsund skule, Ålvik/Lilletveit og Gartveit	70 907
Masfjorden	Støypekant ved Juvika på Haugsvær	250 000
Stad	Etablering av 30-soner og fartsdemparar på Ytre Skårhaug og Fossebakken	67 000
Sunnfjord	Veglys langs kv.1652 Myrmel - Nos	250 000
Voss	Veglys i av- og påstigingssone ved Sundve skule	250 000
	SUM	1 387 907

Reduserte tildelingar til Kvam og Stad

Merk at tildelingane til tiltaka i Kvam herad og Stad kommune er reduserte, då det ikkje er tildelt midlar til alt det er søkt om i desse søknadane. I saksutgreiinga står det dette om tiltaka i Kvam og Stad:

«Kvam herad har levert ein samlesøknad som inneheld seks mindre tiltak (**nr. 14** «Ulike mindre tiltak v/ m.a. Øystese ungdomsskule, Norheimsund skule, Ålvik/Lilletveit og Gartveit»). To av desse fell utanfor gjeldande kriterium for tilskotsordninga. Heradet har her søkt om støtte til gjennomføring av ein «klippe hekk-kampanje» og til innkjøp av ein ny fartsmålar. For kampanjen er kommunen oppmoda til å søkja om støtte frå tilskotsordninga for trafikktryggleiksaktivitetar. Ein fartsmålar vil vera eit positivt bidrag til kommunen sitt ts-arbeid, men me tilrår ikkje tilskot då ordninga per i dag primært er for fysiske ts-tiltak på veg.»

«Stad kommune søker om tilskot til etablering av 30-soner og fartsdemparar på Drage, Ytre Skårhaug og Fossebakken (**tiltak nr. 17**). Me støttar redusert fartsgrense for delar av strekninga på Drage, men ikkje heile, slik den er teikna opp i skiltplanen vedlagt søknaden. Me tilrår difor tilskot til dei to andre stadene dei søker om tilskot til. Kommunen må gjerne ta kontakt for innspel til ein revidert skiltplan.»

Meir om rapporteringa

Tilskota vert utbetalt når tiltaka er ferdigstilte og me har mottatt tilfredsstillande rapport på fullføring. De skal fylla ut rapporteringsskjema som de finn på sida for tilskotsordninga, og leggje ved byggjerekneskap/dokumentasjon på kostnader, før- og etterbilete og eventuelt andre vedlegg som vert etterspurt. Me set stor pris på gode bilete, og det er lov å leggja ved fleire.

Eg vil leggja til at Vestland fylkeskommune sin revisor kan gjennomføra kontroll med at tilskot vert nytta slik det går fram av søknad og vedtak.

Om den som mottar tilskot har gitt misvisande opplysningar, eller ikkje har nytta tilskotet i samsvar med vilkåra, vil tilskotet verte avkorta eller inndratt.

Meir om tilskotsordninga finn de på nettsida for tilskotsordninga:

<https://www.vestlandfylke.no/fylkesveg/trafikktryggleik/fysisk-trafikktrygging/>.

Hugs søknadsfrist for neste års tildeling 1. februar!

Med helsing

Even Vaular
rådgjevar

seksjon for forvaltning, utgreiing og geodata
avdeling for infrastruktur og veg



Tlf: 48 89 39 12
www.vestlandfylke.no